

**2.**  
**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO – DOBOJSKI KANTON**  
**OPĆINA KAKANJ**  
**OPĆINSKO VIJEĆE**  
**Broj: 01/1-35-425/23**  
**Kakanj, 27.12.2023. godine**

Na osnovu člana 1. i člana 7. Zakona o budžetima u Federaciji BiH („Službene novine Federacije BiH“, broj: 102/13, 9/14, 13/14, 8/15, 91/15, 102/15, 104/16, 5/18 i 11/19, 99/19 i 25a/22), člana 24. i 117. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 35. sjednici, održanoj dana 27.12.2023. godine, donijelo je

### ZAKLJUČAK

#### Član 1.

Prihvata se Izvještaj o provedenoj javnoj raspravi i podnesenim amandmanima na Nacrt budžeta Općine Kakanj za 2024. godinu, a koji je sastavni dio materijala uz Prijedlog budžeta Općine Kakanj za 2024. godinu.

#### Član 2.

Ovaj Zaključak stupa na snagu danom donošenja, a bit će objavljen u „Službenim novinama Općine Kakanj“.

**PREDSJEDAVAJUĆI**  
**OPĆINSKOG VIJEĆA**  
 Slaven Katičić, sr.

**3.**  
**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO – DOBOJSKI KANTON**  
**OPĆINA KAKANJ**  
**OPĆINSKO VIJEĆE**  
**Broj: 01/1-35-424/23**  
**Kakanj, 27.12.2023. godine**

Na osnovu člana 8. i 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 35. sjednici, održanoj dana 27.12.2023. godine, donijelo je

**ZAKLJUČAK**  
**o davanju ovlaštenja predsjedavajućem**  
**Općinskog vijeća**

#### Član 1.

Ovim Zaključkom daje se ovlaštenje predsjedavajućem Općinskog vijeća za potpisivanje izmijenjenog oblika Budžeta Općine Kakanj za 2024. godinu, broj: 01/1-35-423/23 od 27.12.2023. godine, u slučaju da se Općini Kakanj, sredstva na ime novčane pomoći iz energetske paketa Evropske unije (EU) za energetske siromašna domaćinstva – „Podrška Evropske unije Bosni i Hercegovini s ciljem ublažavanja negativnog socio-ekonomskog utjecaja energetske krize“, uplate u januaru 2024. godini.

#### Član 2.

Ovaj Zaključak stupa na snagu danom donošenja, a bit će objavljen u „Službenim novinama Općine Kakanj“.

**PREDSJEDAVAJUĆI**  
**OPĆINSKOG VIJEĆA**  
 Slaven Katičić, sr.

**4.**  
**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO – DOBOJSKI KANTON**  
**OPĆINA KAKANJ**  
**OPĆINSKO VIJEĆE**  
**Broj: 01/1-35-426/23**  
**Kakanj, 27.12.2023. godine**

Na osnovu člana 1. i člana 7. Zakona o budžetima u Federaciji BiH („Službene novine Federacije BiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 24. i 117. Statuta Općine Kakanj („Službene novine općine Kakanj“, broj: 4/08) i člana 94. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 35. sjednici, održanoj dana 27.12.2023. godine, donijelo je

**O D L U K U**  
**o izvršavanju Budžeta Općine Kakanj za 2024.**  
**godinu**

#### I - OPĆE ODREDBE

##### Član 1. (Predmet)

Ovom Odlukom uređuje se struktura prihoda i primitaka, rashoda i izdataka Budžeta Općine Kakanj za 2024. godinu (u daljem tekstu: Budžet), njegovo izvršavanje, prioriteta plaćanja, prava i

obaveze korisnika budžetskih sredstava, ovlaštenja Općinskog načelnika, općinskih službi i drugih organizacionih jedinica, kao i druga pitanja u vezi sa izvršavanjem Budžeta za tekuću godinu.

U slučaju da su obaveze i prava koja proističu iz drugih odluka, zaključaka, rješenja i slično u suprotnosti sa ovom Odlukom, primjenjivat će se ova Odluka.

#### **Član 2. (Pojam Budžeta)**

Budžet je procjena godišnjih prihoda i primitaka, te utvrđenih iznosa izdataka i drugih plaćanja Općine, koji donosi Općinsko vijeće i odnosi se na budžetsku 2024. godinu, koja počinje 01. januara, a završava 31. decembra.

#### **Član 3. (Registar budžetskih korisnika)**

Registar budžetskih korisnika uspostavlja, vodi i ažurira Služba za finansije Općine Kakanj prema Odluci o uspostavi Registra budžetskih korisnika Općine Kakanj („Službene novine Općine Kakanj“, broj: 5/11) i drugim propisima koji regulišu navedeno.

### **II – BUDŽETSKI PRINCIPI**

#### **Član 4. (Finansiranje)**

Sredstva Budžeta koriste se za finansiranje poslova, funkcija i programa općinskih službi za upravu i stručnih službi, javnih ustanova i javnih preduzeća i ostalih korisnika čije je finansiranje iz Budžeta predviđeno posebnim propisom (u daljem tekstu: Korisnik).

Propisi koji imaju finansijske posljedice na Budžet moraju biti obrazloženi, odnosno opravdani analizom troškova i koristi.

#### **Član 5. (Sredstva za budžetske korisnike)**

Sredstva Budžeta osiguravaju se i budžetskim korisnicima koji su u posebnom dijelu Budžeta određeni za nosioce sredstava na pojedinim pozicijama.

#### **Član 6. (Korištenje sredstava)**

Budžet mora biti uravnotežen tako da ukupni prihodi i primici pokrivaju ukupne rashode i izdatke.

Prihodi i primici služe za podmirivanje rashoda i izdataka, osim ako ovom Odlukom nije drugačije propisano.

Budžetski korisnici mogu preuzeti obaveze na teret Budžeta tekuće godine samo za namjene i

do visine utvrđene u posebnom dijelu Budžeta, ako su za to ispunjeni svi utvrđeni uslovi.

### **III – STRUKTURA BUDŽETA**

#### **Član 7. (Struktura Budžeta)**

Budžet se sastoji od općeg i posebnog dijela.

Opći dio Budžeta sastoji se od bilansa prihoda i primitaka, te rashoda i izdataka, a poseban dio sadrži detaljan raspored rashoda po budžetskim korisnicima i vrstama rashoda, te iznos za saniranje akumuliranog deficita iz ranijeg perioda.

U bilansu prihoda i rashoda iskazuju se porezni i neporezni prihodi i primici, te rashodi utvrđeni za finansiranje javnih potreba na nivou Općine Kakanj (u daljem tekstu: Općina) na osnovu zakonskih propisa.

### **IV - IZRADA BUDŽETA I FINANSIJSKOG PLANA**

#### **Član 8. (Budžetski kalendar)**

Budžet se priprema i usvaja prema budžetskom kalendaru koji na prijedlog Službe za finansije donosi Općinski načelnik.

#### **Član 9. (Dokument okvirnog Budžeta - DOB)**

DOB je akt koji sadrži makroekonomske projekcije i prognoze budžetskih sredstava i izdataka za naredne tri godine i na njemu se zasniva priprema i izrada Budžeta.

Trogodišnje planiranje Budžeta obaveza je za sve korisnike budžetskih sredstava.

Općinski načelnik razmatra i usvaja DOB do 30. juna tekuće godine.

#### **Član 10. (Finansijski plan)**

Budžetski korisnici dužni su izraditi svoje prijedloge finansijskog plana na nivou analitičkog konta, te isti dostaviti Službi za finansije do 15. avgusta tekuće godine za narednu godinu u skladu sa članom 20., 21. i 22. Zakona o budžetima u Federacije BiH („Službene novine Federacije BiH“, broj: 102/2013, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22).

### **V - DONOŠENJE BUDŽETA I FINANSIJSKOG PLANA**

#### **Član 11. (Donošenje Budžeta i Odluke o privremenom finansiranju)**

Budžet Općine Kakanj na prijedlog Općinskog načelnika donosi Općinsko vijeće do 31. decembra tekuće godine za narednu godinu.

Ukoliko se ne donese Budžet prije početka fiskalne godine, Općinsko vijeće donosi Odluku o privremenom finansiranju. Na osnovu Odluke o privremenom finansiranju nastavlja se finansiranje poslova, funkcija i programa korisnika Budžeta najduže u periodu od tri mjeseca.

Privremeno finansiranje provodi se u skladu sa članom 35. Zakona o budžetima u Federacije BiH („Službene novine Federacije BiH“, broj: 102/2013, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22).

Služba za finansije prije dostavljanja nacrta odnosno prijedloga Budžeta Općinskom vijeću obavezna je pribaviti mišljenje kantonalnog ministarstva finansija u vezi sa planiranim prihodima i primicima i primjenom fiskalnog pravila.

#### **Član 12.**

##### **(Donošenje Finansijskog plana budžetskih korisnika)**

Općinski načelnik zajedno sa nadležnim općinskim službama - Služba za finansije i Služba za društvene djelatnosti, boračka pitanja, raseljena lica, izbjeglice i povratnike, na osnovu dostavljenog prijedloga Finansijskog plana iz člana 10. ove Odluke, utvrđuje prihvatljive okvire finansiranja budžetskih korisnika, te iste predviđa u prijedlogu Budžeta.

Prije upućivanja Finansijskih planova i programa u proceduru na usvajanje Općinskom vijeću, javne ustanove su dužne tražiti mišljenje Službe za finansije i Službe za društvene djelatnosti, boračka pitanja, raseljena lica, izbjeglice i povratnike. Službe će dati mišljenja na akte svaka iz svoje nadležnosti. Mišljenja službi će biti u prilogu finansijskih planova i programa.

Usvajanje akata iz stava (2) ovog člana vršit će se na sjednici Općinskog vijeća na kojoj bude usvajanje Budžeta Općine za tekuću godinu.

U slučaju izmjena i dopuna Budžeta Općine Kakanj tokom godine, budžetski korisnici su dužni primijeniti istu proceduru kao kod donošenja Budžeta.

Javne ustanove će realizovati namjenska sredstva u skladu sa aktima uplatioca.

#### **Član 13.**

##### **(Uravnoteženje budžeta)**

Ako se u toku budžetske godine zbog nastanka novih obaveza za Budžet ili promjena privrednih kretanja povećaju rashodi i/ili izdaci, odnosno smanje prihodi i/ili primici Budžeta Općinski načelnik može, na prijedlog Službe za finansije, donijeti Zaključak o obustavljanju izvršavanja pojedinih rashoda i/ili izdataka u trajanju do 45 dana.

Mjerama privremenog obustavljanja izvršavanja Općinski načelnik može:  
1.zaustaviti preuzimanje obaveza i/ili,  
2.predložiti produženje ugovorenih rokova plaćanja i/ili,  
3.zaustaviti preraspodjelu budžetskih sredstava potrebnu radi preuzimanja obaveza.

O Zaključku iz stava 1. ovog člana Općinski načelnik mora obavijestiti Općinsko vijeće odmah nakon donošenja Zaključka.

Ako se za vrijeme provođenja mjera privremene obustave izvršavanja Budžeta, Budžet ne može uravnotežiti, vrše se izmjene i dopune Budžeta.

Općinski načelnik mora u roku 15 dana prije isteka roka za privremenu obustavu izvršavanja Budžeta predložiti Općinskom vijeću izmjene i dopune Budžeta.

## **VI - FISKALNA ODGOVORNOST**

#### **Član 14.**

##### **(Izjava fiskalne odgovornosti)**

Rukovodilac budžetskog korisnika je odgovoran za zakonito i namjensko korištenje sredstava i efikasno i uspješno funkcioniranje sistema finansijskog upravljanja i kontrole u okviru budžetom utvrđenih sredstava.

Rukovodilac je dužan svake godine za prethodnu budžetsku godinu za period u kojem je obavljao poslove rukovodioca popuniti Izjavu o fiskalnoj odgovornosti (u daljnjem tekstu: Izjava).

Uz Izjavu se prilažu i planovi otklanjanja slabosti i nepravilnosti utvrđenih od nadležnih organa, izvještaj o otklonjenim slabostima i nepravilnostima utvrđenim u prethodnoj godini i mišljenje internih revizora o sistemu finansijskog upravljanja i kontrole za oblasti koje su bile revidirane u prethodnoj godini.

Rukovodioci budžetskih korisnika Izjavu dostavljaju Službi za finansije, koja provjerava njen sadržaj.

Oblik i sadržaj Izjave, način popunjavanja i rok predaje Izjave, te način i rokovi izvještavanja Službe za finansije o uočenim nepravilnostima propisan je Pravilnikom o obliku, sadržaju, načinu popunjavanja i predaji izjave o fiskalnoj odgovornosti („Službene novine Federacije BiH“, broj: 34/14).

## **VII – IZVRŠAVANJE BUDŽETA**

#### **Član 15.**

##### **(Otpis, naplata i korištenje budžetskih sredstava)**

Budžetski korisnici odgovorni su za potpunu i pravovremenu naplatu prihoda i primitaka iz svoje

nadležnosti, za njihovu uplatu u Budžet i za izvršavanje svih rashoda i izdataka u skladu sa namjenama.

Budžetski korisnik je dužan provesti sve zakonom propisane radnje radi naplate potraživanja na osnovu ugovora ili bilo kojeg drugog potraživanja po osnovu javnih prihoda.

Za nenaplativa potraživanja Općinski načelnik na obrazloženi prijedlog budžetskog korisnika može donijeti Odluku o otpisu potraživanja.

Općinski načelnik, općinske službe za upravu i stručne službe, kao i svi drugi korisnici Budžeta odgovorni su za zakonito, namjensko, efikasno i ekonomično raspolaganje budžetskim sredstvima.

### **Član 16. (Namjenska sredstva)**

Namjenske donacije i grantovi koji nisu planirani u Budžetu Općine, a ostvare se u toku fiskalne godine koristit će se u skladu sa namjenama za koje budu doznačene.

Daje se saglasnost Općinskom načelniku da sredstva iz stava (1) ovog člana Zaključkom usmjeri u Budžet na prihodovnoj i rashodovnoj strani, a na prijedlog nadležnog budžetskog korisnika i Službe za finansije o čemu će se izvijestiti Općinsko vijeće prilikom izrade izmjena i dopuna Budžeta ili podnošenjem Izvještaja o izvršenju Budžeta.

Namjenski prihodi i primici koji nisu iskorišteni u prethodnoj godini prenose se u Budžet za tekuću budžetsku godinu.

Ako su namjenski prihodi i primici uplaćeni u iznosu manjem od planiranog u Budžetu, korisnik može preuzeti i plaćati obaveze samo u visini stvarno uplaćenih, odnosno raspoloživih sredstava.

### **Član 17. (Prioritet plaćanja)**

Plaćanje obaveza iz osnova vanjskog i unutrašnjeg duga prioritetna je obaveza Općine Kakanj.

### **Član 18. (Operativni planovi)**

Služba za finansije na osnovu godišnjih i kvartalnih planova novčanih tokova iskazanih po mjesecima dostavlja budžetskim korisnicima instrukciju za izradu prijedloga operativnih planova rashoda i izdataka.

Budžetski korisnici su dužni dostavljati prijedloge godišnjih, kvartalnih i mjesečnih operativnih planova u skladu sa instrukcijom Službe za finansije.

Budžetski korisnici mogu stvarati obaveze do visine sredstava odobrenih operativnim budžetom.

### **Član 19. (Plaće i naknade)**

Plaće i naknade državnim službenicima i namještenicima Općine isplaćivat će se u skladu sa Zakonom o plaćama i naknadama u organima vlasti Federacije BiH, Odlukom o plaćama i naknadama u organima državne službe Općine Kakanj, Pravilnikom o plaćama i naknadama u organima državne službe Općine Kakanj i drugim propisima koji regulišu ovu oblast.

### **Član 20. (Osnovica i vrijednost boda)**

Osnovica i vrijednost boda za obračun plaća zaposlenika u jedinstvenom općinskom organu uprave Općine Kakanj za 2024. godinu utvrđena je Sporazumom između Općinskog načelnika i Sindikata uposlenika Općine Kakanj, broj: 02/1-6622/23 od 03.10.2023. godine.

Osnovica za obračun plaće i vrijednost boda iz stava (1) ovog člana primjenjivat će se za budžetsku 2024. godinu, s tim da se ovlašćuje Općinski načelnik da će u pregovorima sa sindikatom uposlenika Općine Kakanj usklađivati osnovicu i vrijednost boda za budžetsku 2024. godinu u skladu sa pozitivnim zakonskim propisima.

Osnovica za obračun plaće u JU „Kulturno-sportski centar“ Kakanj iznosi 495,00 KM i utvrđena je Odlukom Upravnog odbora Ustanove, broj: 316-2/2022 od 20.05.2022. godine, na koju je Općinsko vijeće Kakanj dalo saglasnost 31.05.2022. godine. Ista će se primjenjivati za budžetsku 2024. godinu.

Osnovica za obračun plaće u JU Centar za socijalni rad Kakanj utvrđena u skladu sa Općim kolektivnim ugovorom za teritoriju Federacije BiH („Službene novine Federacije BiH“, broj: 48/16 i 62/16) iznosi 425,04 KM, a na koju je Općinsko vijeće dalo saglasnost 31.05.2022. godine i primjenjivat će se za budžetsku 2024. godinu.

Osnovica za obračun plaće u JU za predškolski odgoj i obrazovanje „Mladost“ Kakanj utvrđena Pravilnikom o izmjenama i dopunama Pravilnika o koeficijentima i platnim razredima JU za predškolski odgoj i obrazovanje „Mladost Kakanj“, na koji je Općinsko vijeće dalo saglasnost 31.01.2023. godine, iznosi 544,50 KM i primjenjivat će se za budžetsku 2024. godinu.

Izmjena osnovica za obračun plaća iz stava (3), (4) i (5) ovog člana vrši se na prijedlog organa upravljanja navedenih javnih ustanova uz saglasnost Općinskog vijeća, a u skladu sa važećim propisima koji regulišu ovu oblast.

**Član 21.****(Vjerodostojna dokumentacija)**

Služba za finansije vrši plaćanje obaveza svih budžetskih korisnika.

Svaki rashod i izdatak iz Budžeta mora se zasnivati na vjerodostojnoj knjigovodstvenoj ispravi kojom se dokazuje obaveza za plaćanje.

Odgovorno lice budžetskog korisnika prije potpisivanja knjigovodstvene isprave mora provjeriti pravni osnov i visinu obaveze koja iz nje proizlazi.

**Član 22.****(Stvaranje obaveza)**

Aktima Općinskog vijeća i Općinskog načelnika ne mogu se stvarati obaveze na teret Budžeta ako za te obaveze nisu predviđeni izdaci u Budžetu izuzev tekuće rezerve.

Ako za pojedine namjene sredstva u Budžetu nisu dovoljna, korisnici sredstava dužni su da blagovremeno predlože izmjene propisa i drugih akata radi usklađivanja obaveza po tim propisima i drugim aktima sa sredstvima obezbijeđenim u Budžetu.

Uplaćene i/ili prenesene, a manje planirane pomoći, donacije i prihodi za posebne namjene kao i transferi za posebne namjene između korisnika javnih sredstava, mogu se izvršavati iznad iznosa planiranih u Budžetu, a do visine uplaćenih, odnosno prenesenih sredstava po Zaključku Općinskog načelnika, a na prijedlog budžetskog korisnika.

**Član 23.****(Obustava izvršenja Odluke)**

Rashodi i izdaci svakog budžetskog korisnika ne mogu prelaziti iznose alociranih budžetskih sredstava odobrenih za svaki mjesec ili drugi vremenski period koje je utvrdila Služba za finansije, osim uz saglasnost Službe za finansije.

Pomoćnik načelnika za finansije ima pravo Rješenjem obustaviti od izvršenja Odluku ili drugi akt koji je u suprotnosti sa Zakonom o budžetima u Federacije BiH i ovom Odlukom.

**Član 24.****(Platne transakcije)**

Obavljanje platnih transakcija vrši se preko transakcijskih računa koji su sastavni dio JRT, a otvara ih Služba za finansije.

**Član 25.****(Uplate na JRT)**

Svi javni prihodi i primici Budžeta obavezno se uplaćuju na JRT (depozitni račun), te se iskazuju po izvorima iz kojih potiču.

JRT se nalazi pod isključivom nadležnosti Službe za finansije.

Stanje sredstava na depozitnom računu na kraju dana se prebacuje na transakcijske račune.

Sa depozitnog računa mogu se isplatiti samo više ili pogrešno uplaćeni prihodi koji se odnose na tekuću fiskalnu godinu.

Odabir banke za otvaranje računa vrši se u skladu sa propisima kojima se uređuju javne nabavke.

**Član 26.****(Preraspodjela sredstava)**

Općinski načelnik na zahtjev budžetskog korisnika može donijeti Zaključak o preraspodjeli rashoda na budžetskim stavkama u visini do 10 % ukupno odobrenih rashoda i izdataka za tog budžetskog korisnika.

Preraspodjela sredstava vrši se na pozicijama 611000, 612000, 613000 i 820000, a na pozicijama 614000, 615000 i 616000 preraspodjela sredstava vrši se samo u okviru ovih ekonomskih kodova.

Preraspodjelom sredstava ne može se vršiti umanjenje pozicija 611000 i 612000, osim u okviru ovih ekonomskih kodova, te u slučaju kada se preraspodjela na ovim ekonomskim kodovima vrši između budžetskih korisnika.

Izuzetno, u okviru odobrenog budžeta preraspodjela sredstava dozvoljena je između budžetskih korisnika o čemu odlučuje Općinski načelnik na prijedlog Službe za finansije.

Uz zahtjev za preraspodjelu odobrenih sredstava, budžetski korisnik mora priložiti odgovarajuću dokumentaciju na osnovu koje se Službi za finansije daju na uvid razlozi za dodatnim sredstvima na budžetskoj stavci koja se povećava do kraja godine, odnosno razlozi za smanjenje odobrenih budžetskih stavki.

**Član 27.****(Tekuća budžetska rezerva)**

Budžetom nedovoljno planirani i nepredviđeni izdaci koji se eventualno pojave u toku budžetske godine podmiruju se iz sredstava tekuće rezerve utvrđene u Budžetu.

O korištenju sredstava tekuće rezerve, a na osnovu zahtjeva, odlučuje Općinski načelnik Zaključkom, po dobijanju mišljenja Službe za finansije i nadležne službe.

Budžetsko izdvajanje za tekuću rezervu ne smije preći 3% od ukupnih prihoda, isključujući primitke.

Općinski načelnik polugodišnje i godišnje izvještava Općinsko vijeće o korištenju sredstava tekuće rezerve.

Služba za finansije tromjesečno izvještava Općinskog načelnika o korištenju sredstava tekuće rezerve.

**Član 28.****(Ukidanje budžetskog korisnika, smanjenje ili povećanje nadležnosti)**

Ako se tokom godine, na osnovu zakona i drugih propisa, poveća djelokrug ili nadležnost budžetskog korisnika što zahtjeva i povećana sredstva ili se osnuje novi korisnik budžetskih sredstava za njegove troškove osiguravaju se sredstva iz tekuće rezerve Budžeta, a odobrava ih Općinski načelnik.

Ako se tokom godine, na osnovu zakona i drugih propisa, umanjuje djelokrug ili nadležnost korisnika, što zahtjeva smanjena sredstva ili se korisnik ukine, neutrošena sredstva se raspoređuju na korisnika koji preuzima njegove obaveze ili na druge korisnike utvrđene rebalansom Budžeta, a na prijedlog Općinskog načelnika.

**Član 29.****(Privremeno pozajmljivanje sredstava)**

Općinski načelnik Zaključkom može izvršiti privremeni prijenos sredstava sa svih redovnih i namjenskih računa Općine Kakanj u slučaju nedostatka sredstava na računu Budžeta.

Ukoliko se bude vršio prijenos sredstava, povrat tih sredstava mora biti izvršen najkasnije do kraja tekuće godine.

**Član 30.****(Likvidnost budžeta)**

Realizacija Budžetom predviđenih rashoda, odnosno dinamika izvršavanja Budžeta direktno je uslovljena dinamikom i obimom ostvarenih prihoda, a u cilju očuvanja likvidnosti Budžeta i ravnoteže između budžetskih prihoda (i primitaka) i rashoda (i izdataka).

Doznake drugim potrošačkim jedinicama raspodijelit će se budžetskim korisnicima do iznosa usvojenih Budžetom u skladu sa dinamikom priliva sredstava u Budžet, na osnovu programa za pojedine pozicije, te na osnovu određene namjene za grantove viših nivoa vlasti, organizacija ili drugih institucija.

**Član 31.****(Plan novčanih tokova)**

Služba za finansije nadležna je za izradu planova novčanih tokova kojima se predviđa priliv i odliv sredstava na JRT, a koji predstavljaju osnovu za izvršavanje Budžeta.

Pri izradi planova novčanih tokova Služba za finansije koristi informacije iz različitih izvora:

1. krajnje stanje JRT za prethodni period,
2. predviđanje svih prihoda i primitaka na JRT,
3. predviđanje svih rashoda i izdataka,

4. predviđanje servisiranja dugova,
5. projekcije inozemne pomoći i pozajmljivanja i
6. kretanje ključnih makroekonomskih parametara.

Plan novčanih tokova razmatra i odobrava Odbor za likvidnost Budžeta, koji imenuje Općinski načelnik.

**Član 32.****(Povrat pogrešno ili više uplaćenih prihoda)**

Pogrešno ili više uplaćeni općinski porezni i neporezni prihodi vraćaju se uplatiocima na teret tih prihoda, a na osnovu Rješenja organa koji je izvršio naplatu ili akta Općinskog načelnika.

Povrat pogrešno ili više uplaćenih prihoda koji su uplaćeni u tekućoj fiskalnoj godini vrši se sa depozitnog računa Općine Kakanj iz tekućeg priliva na teret tih prihoda.

Povrat pogrešno ili više uplaćenih prihoda koji nisu uplaćeni u tekućoj fiskalnoj godini vrši se sa transakcijskog računa Općine Kakanj i to sa određenih pozicija rashoda planiranih Budžetom za tekuću godinu.

Povrat budžetskih sredstava vrši se u skladu sa Pravilnikom o procedurama za povrat i preknjiženje više ili pogrešno uplaćenih javnih prihoda sa JRT Općine Kakanj, broj: 0-02/1-3577/13 od 28.10.2013. godine i Pravilnikom o procedurama za povrat, preknjižavanje pogrešno/više uplaćenih javnih prihoda s jedinstvenog računa trezora FBiH i postupku umanjenja obveza.

**VIII - REALIZACIJA BUDŽETA****Član 33.****(Nalogodavac za raspodjelu sredstava)**

Nalogodavac za raspodjelu sredstava za budžetskog korisnika - Općinsko vijeće je Sekretar Općinskog vijeća.

Nalogodavac za raspodjelu sredstava za budžetskog korisnika - Stručna služba Općinskog načelnika i druge nadležne općinske službe za upravu je Općinski načelnik.

Nalogodavac za raspodjelu sredstava za budžetskog korisnika - Općinsko pravobranilaštvo je Općinski pravobranilac.

Nalogodavac i odgovorna osoba za raspodjelu sredstava za budžetskog korisnika - JU „Kulturno-sportski centar” Kakanj je direktor JU „Kulturno-sportski centar” Kakanj.

Nalogodavac i odgovorna osoba za budžetskog korisnika JU za predškolski odgoj i obrazovanje „Mladost” je direktor JU za predškolski odgoj i obrazovanje „Mladost”.

Nalogodavac i odgovorna osoba za budžetskog korisnika JU Centar za socijalni rad je direktor JU Centar za socijalni rad.

Za svaku isplatu iz Budžeta Općine Kakanj obavezna je saglasnost Općinskog načelnika.

Nalogodavci za raspodjelu sredstava odgovorni su za zakonitost, svrsishodnost, efikasnost i ekonomičnost upotrebe budžetskih sredstava predviđenih finansijskim planom kao i nosioci aktivnosti iz svojih nadležnosti.

#### **Član 34.**

##### **(Naknade vijećnicima)**

Naknade vijećnicima u Općinskom vijeću isplaćivat će se u skladu sa Odlukom o naknadama općinskih vijećnika i radnih tijela vijeća („Službene novine Općine Kakanj“, broj: 7/13, 5/14, 9/17, 10/17 i 2/21), a po nalogu Stručne službe za poslove Općinskog vijeća.

#### **Član 35.**

##### **(Nabavka roba, usluga i radova)**

Nabavka roba, usluga i radova realizovat će se u skladu sa procedurama propisanim odredbama Zakona o javnim nabavkama BiH, Zakonom o komunalnim djelatnostima Zeničko-dobojskog kantona i u skladu sa ostalim pozitivnim zakonskim i drugim propisima koji regulišu ovu oblast.

Sve nabavke moraju biti predviđene jedinstvenim Planom javnih nabavki općinskog organa uprave Općine Kakanj koji izrađuje nadležna Služba za opću upravu, radne i zajedničke poslove, lokalnu samoupravu i mjesne zajednice, a isti usvaja Općinski načelnik.

Nabavka stalnih sredstava i opreme je u nadležnosti Službe za opću upravu, radne i zajedničke poslove, lokalnu samoupravu i mjesne zajednice, a pri realizaciji iste poštovat će se propisi pomenuti u ovom članu.

#### **Član 36.**

##### **(Sredstva Općinskoj izbornoj komisiji)**

Budžetske pozicije „Sredstva Općinskoj izbornoj komisiji“ namijenjene su za finansiranje naknada članova Općinske izborne komisije i materijalnih troškova, te troškova organizacije izbora u skladu sa Odlukom o naknadama općinskih vijećnika i radnih tijela vijeća („Službene novine Općine Kakanj“, broj: 7/13, 5/14, 9/17, 10/17 i 2/21), a po nalogu Stručne službe za poslove Općinskog vijeća.

#### **Član 37.**

##### **(Sredstva političkim subjektima)**

Sredstva političkim subjektima koji participiraju u Općinskom vijeću doznačavat će se u skladu sa

Odlukom o finansiranju političkih partija („Službene novine Općine Kakanj“, broj: 5/15).

Za realizaciju ovih sredstava nadležna je Stručna služba za poslove Općinskog vijeća.

Politički subjekti su obavezni polugodišnje i godišnje dostavljati izvještaje o namjenskom utrošku budžetskih sredstava Stručnoj službi za poslove Općinskog vijeća.

#### **Član 38.**

##### **(Novčana pomoć za boračku populaciju)**

Novčana pomoć za nezaposlene pripadnike boračke populacije isplaćivat će se shodno Kriterijima o dodjeli jednokratnih i vanrednih novčanih pomoći i pomoći za smještaj deložiranih pripadnika boračkih populacija/dopunska prava („Službene novine Općine Kakanj“, broj: 2/20), a na osnovu prijedloga Komisije za dodjelu jednokratnih novčanih pomoći i pomoći za sanaciju i smještaj deložiranih pripadnika boračkih populacija u općini Kakanj.

Komisija sve svoje prijedloge za isplatu novčanih pomoći za nezaposlene pripadnike boračke populacije dostavlja nadležnoj Službi za društvene djelatnosti, boračka pitanja, raseljena lica, izbjeglice i povratnike.

Komisija iz stava (1) ovog člana obavezna je Općinskom vijeću polugodišnje i godišnje dostavljati izvještaje o izvršenim isplatama jednokratnih novčanih pomoći za nezaposlene pripadnike boračke populacije.

#### **Član 39.**

##### **(Pomoć za smještaj boračke populacije)**

Realizacija pomoći namijenjene za smještaj pripadnika boračkih kategorija stanovništva vršit će se putem nadležne Službe za društvene djelatnosti, boračka pitanja, raseljena lica, izbjeglice i povratnike, a po prijedlozima Komisije iz člana 38. ove Odluke.

#### **Član 40.**

##### **(Sredstava za potporu obnove i izgradnje povratnicima)**

Administrativnu proceduru za realizaciju sredstava za potporu obnove i izgradnje povratnicima provodi Služba za društvene djelatnosti, boračka pitanja, raseljena lica, izbjeglice i povratnike.

Provođenje postupka, razmatranje zahtjeva, odabir i izvještavanje vrši Komisija na prijedlog Općinskog načelnika, koji usvaja Općinsko vijeće, a sve u skladu sa Kriterijima za dodjelu novčane pomoći, pomoći u građevinskom materijalu i drugih vidova pomoći za potporu povratku („Službene novine Općine Kakanj“, broj: 8/19), koje je usvojilo Općinsko vijeće.

Prilikom realizacije navedenih sredstava Komisija i nadležna služba su obavezne poštovati

Kriterije, te druge zakone i propise koji tretiraju ovu oblast.

#### **Član 41.**

##### **(Prava demobiliziranih boraca prema novom Zakonu)**

Sredstva u Budžetu na poziciji „Novčana pomoć za liječenje za nezaposlene pripadnike boračkih populacija“ realizovat će se u skladu sa Odlukom o ostvarivanju prava na jednokratnu novčanu pomoć za liječenje za demobilizirane branioce („Službene novine Općine Kakanj“, broj: 2/20).

Sredstva u Budžetu na poziciji „Liječenje van kantona za nezaposlene demobilizirane borce“ realizovat će se u skladu sa Zakonom o pravima demobiliziranih branilaca i članova njihovih porodica („Službene novine Federacije BiH“, broj: 54/19).

#### **Član 42.**

##### **(Stipendije i nagrađivanje)**

Sredstva namijenjena za stipendiranje studenata i đaka realizovat će se putem javnog poziva i u skladu sa Odlukom o stipendiranju studenata sa područja općine Kakanj („Službene novine Općine Kakanj“, broj: 7/13 i 1/18), Odlukom o dodjeli stipendija studentima i učenicima koji se školuju za deficitarna zanimanja („Službene novine Općine Kakanj“, broj: 11/19) i Odlukom o stipendiranju učenika sa područja općine Kakanj („Službene novine Općine Kakanj“, broj: 3/14, 3/16 i 1/18), kojim će između ostalog biti definisani i kriteriji, odnosno sistem bodovanja.

Sredstva namijenjena za realizaciju pozicije „Stimulacija i nagrađivanje učenika za takmičenja iz oblasti znanja“ će se implementirati u skladu sa Odlukom o nagrađivanju i stimulaciji učenika sa područja općine Kakanj („Službene novine Općine Kakanj“, broj: 7/13) i ostalim aktima kojim se regulišu pomenute aktivnosti.

Za realizaciju ovih sredstava nadležna je Služba za društvene djelatnosti, boračka pitanja, raseljena lica, izbjeglice i povratnike i Komisije koje će formirati Općinski načelnik.

#### **Član 43.**

##### **(Sredstva za podsticaj zapošljavanja pripravnika i lica na stručnom osposobljavanju)**

Sredstva namijenjena za podsticaj zapošljavanju pripravnika i lica na stručnom osposobljavanju realizovat će se u skladu sa Odlukom o dodjeli poticaja poslodavcima za zapošljavanje pripravnika i angažovanje lica na stručnom osposobljavanju bez zasnivanja radnog

odnosa („Službene novine Općine Kakanj“, broj: 8/18).

Provođenje procedure i odabir kandidata vršit će komisija koju će imenovati Općinsko vijeće, a za praćenje implementacije sredstava nadležna je Služba za opću upravu, radne i zajedničke poslove, lokalnu samoupravu i mjesne zajednice.

#### **Član 44.**

##### **(Sredstva za realizaciju programa socijalne zaštite)**

Sredstva namijenjena za realizaciju programa socijalne zaštite u skladu sa zakonima i drugim propisima koji regulišu ovu oblast realizirat će JU „Centar za socijalni rad“ Kakanj, koja će u okviru svoje nadležnosti i djelokruga rada davati naloge za isplatu.

JU „Centar za socijalni rad“ će realizovati sredstva na poziciji: Stimulacija nataliteta - oprema novorođenog djeteta u skladu sa Odlukom o jednokratnoj novčanoj pomoći za porođaj i opremu novorođenog djeteta („Službene novine Općine Kakanj“, broj: 5/12 i 5/19).

#### **Član 45.**

##### **(Sredstva javnim ustanovama)**

Rashodi planirani u Budžetu za javne ustanove realizuju se na osnovu njihovih Programa rada i Finansijskih planova usvojenih od strane Općinskog vijeća.

#### **Član 46.**

##### **(Transfer Udruženju dijabetičara „Slatki život,, Kakanj, Fondaciji „Muharem Berbić“ i Udruženju „Srce za djecu koja boluju od raka u FBiH“)**

Sredstva na navedenim pozicijama realizovat će se u skladu sa ugovorom potpisanim između Općine Kakanj i udruženja/fondacije kojim će se definisati međusobna prava i obaveze, a na osnovu dostavljenog Plana i programa rada sa razrađenim Finansijskim planom.

Za realizaciju sredstava nadležna je Služba za društvene djelatnosti, boračka pitanja, raseljena lica, izbjeglice i povratnike.

#### **Član 47.**

##### **(Sredstava za izgradnju kuća za romsku populaciju)**

Za realizaciju sredstava za izgradnju kuća za romsku populaciju nadležan je Zavod za planiranje i izgradnju Općine Kakanj, transfer će vršiti Služba za finansije po osnovu trebovanja, a praćenje radova i izvještavanje vrši Komisija Općinskog načelnika.

**Član 48.****(Transfer udruženjima boračkih populacija)**

Za realizaciju transfera udruženjima boračkih populacija nadležna je Služba za društvene djelatnosti, boračka pitanja, raseljena lica, izbjeglice i povratnike.

Raspored sredstava udruženjima boračkih populacija biti će realizovan putem javnog poziva, a na osnovu Odluke o jedinstvenim kriterijima za raspodjelu sredstava obezbijeđenih u Budžetu Općine Kakanj za finansiranje rada boračkih udruženja koje će usvojiti Općinsko vijeće.

Korisnici budžetskih sredstava obavezni su nadležnoj službi dostavljati izvještaj o namjenskom utrošku budžetskih sredstava u skladu sa uputama nadležne službe i u skladu sa pozitivnim zakonskim propisima.

Ovlašćuje se Općinski načelnik da do usvajanja Programa za 2024. godinu može akontativno vršiti isplatu do 1/12 iznosa iz Programa za prethodnu godinu.

**Član 49.****(Sredstava za podršku lokalnom akcionom planu – projekat „Integralni pristup“)**

Sredstva na ovoj poziciji će se realizovati u skladu sa potpisanim Protokolom između Općine Kakanj i Caritasa, kojim će se definisati prava i obaveze sa obje strane.

Za realizaciju transfera nadležna je Služba za društvene djelatnosti, boračka pitanja, raseljena lica, izbjeglice i povratnike.

**Član 50.****(Transfer za sport)**

Sredstva za sport doznačavat će se na osnovu programa za sport.

Na osnovu Odluke o utvrđivanju kriterija raspodjele sredstava za sport („Službene novine Općine Kakanj“, broj: 1/17, 4/20, 11/20, 5/21 i 2/22), prijedlog programa izrađuju: Općinski načelnik, Služba za društvene djelatnosti, boračka pitanja, raseljena lica, izbjeglice i povratnike i Komisija za raspodjelu sredstava sportskim udruženjima i klubovima, a uz aktivno učešće Sportskog saveza općine Kakanj, a usvaja ga Općinsko vijeće.

Između sportskih klubova i Općine Kakanj biće potpisani ugovori kojim se definišu prava i obaveze korisnika sredstava.

Sportski klubovi su dužni doznačena sredstva koristiti u skladu sa Zakonom o sportu Zeničko-dobojskog kantona („Službene novine Zeničko-dobojskog kantona“, broj: 6/17) i drugim pravnim aktima.

Ovlašćuje se Općinski načelnik da do usvajanja Programa za 2024. godinu može

akontativno vršiti isplate mjesečno do 1/12 sredstava odobrenih Programom za prethodnu godinu.

**Član 51.****(Transfer Crvenom križu, HO Merhamet, Udruženju penzionera i dr. udruženjima)**

Sredstva Crvenom križu će se realizovati u skladu sa ugovorom kojim će se definisati međusobna prava i obaveze, a na osnovu dostavljenog Plana i programa rada sa razrađenim Finansijskim planom.

Sredstva HO Merhamet MDD i KUD „Dikan“ Kakanj realizovat će se u skladu sa ugovorom između Općine Kakanj i HO Merhamet MDD odnosno KUD „Dikan“, kojim će se definisati međusobna prava i obaveze, a na osnovu dostavljenog Plana i programa rada.

Transfer za Udruženje penzionera će se realizovati prema kriterijima koje utvrdi Udruženje, a na osnovu Zaključka Općinskog načelnika.

Navedena sredstva namijenjena su za plaćanje troškova električne energije, vode, kanalizacije, pomoći za liječenje, posmrtnine, prehrambene pakete, troškove grijanja i ogrijeva. Korisnik sredstava se obavezuje da nadležnoj službi dostavi izvještaj o namjenskom utrošku budžetskih sredstava.

Sredstva sa pozicije: Subvencije za komunalne usluge kategorijama stanovništva u stanju socijalne potrebe, realizovat će se na sljedeći način:

- 50% najugroženijim penzionerima po kriterijima Udruženja penzionera Općine Kakanj,
- 25% najugroženijim pripadnicima boračke populacije po kriterijima Udruženja boračkih populacija Općine Kakanj,
- 25% korisnicima stalne socijalne pomoći po kriterijima JU CSR Kakanj.

Korisnik sredstava se obavezuje da nadležnoj službi dostavi izvještaj o namjenskom utrošku budžetskih sredstava.

Za realizaciju transfera iz stava (1), (2), (3) i (5) ovog člana nadležna je Služba za društvene djelatnosti, boračka pitanja, raseljena lica, izbjeglice i povratnike.

**Član 52.****(Transfer JU „Gradska biblioteka“ Kakanj)**

Za realizaciju transfera JU „Gradska biblioteka“ Kakanj nadležna je Služba za društvene djelatnosti, boračka pitanja, raseljena lica, izbjeglice i povratnike.

Sredstva JU „Gradska biblioteka“ Kakanj će se realizovati u skladu sa ugovorom između Općine Kakanj i JU „Gradska biblioteka“ Kakanj, kojim će se definisati međusobna prava i obaveze.

Korisnik sredstava se obavezuje da nadležnoj službi dostavi izvještaj o namjenskom utrošku sredstava.

#### **Član 53.**

##### **(Subvencioniranje troškova prijevoza učenika srednjih škola)**

Sredstva na poziciji „Sufinansiranje troškova prijevoza učenika srednjih škola“ realizovat će se u skladu sa Odlukom o finansiranju troškova prevoza redovnih učenika srednjih škola.

Za realizaciju sredstava nadležna je Služba za društvene djelatnosti, boračka pitanja, raseljena lica, izbjeglice i povratnike.

#### **Član 54.**

##### **(Transfer za osnovne i srednje škole na području općine Kakanj)**

Sredstva na poziciji „Transfer za osnovne i srednje škole na području općine Kakanj“ realizovat će se prema ukazanim potrebama i zahtjevima škola.

Za realizaciju sredstava nadležna je Služba za društvene djelatnosti, boračka pitanja, raseljena lica, izbjeglice i povratnike.

#### **Član 55.**

##### **(Transfer udruženjima mladih, udruženjima nacionalnih manjina i ostalim udruženjima)**

Raspored sredstava udruženjima mladih, udruženjima nacionalnih manjina i sredstava za podršku programima ostalih udruženja realizovat će se putem javnog poziva kojim će se sufinansirati programi i projekti udruženja.

Na prijedlog Služba za društvene djelatnosti, boračka pitanja, raseljena lica, izbjeglice i povratnike i Komisije za ocjenjivanje i odabir projekata, Općinski načelnik donosi odluku o dodjeli sredstava.

Na osnovu odluke o dodjeli sredstava, Općina Kakanj i udruženja potpisuju ugovore kojim će se regulisati međusobna prava i obaveze.

#### **Član 56.**

##### **(Transfer vjerskim zajednicama)**

Sredstva sa pozicije „Transfer za vjerske zajednice“ realizovat će se u skladu sa Zaključkom koji na prijedlog Službe za društvene djelatnosti, boračka pitanja, raseljena lica, izbjeglice i povratnike donosi Općinski načelnik.

Zadužuje se nadležna služba da prati realizaciju doznačenih sredstava.

Korisnici sredstava finansijske izvještaje dostavljaju nadležnoj službi - nalogodavcu.

#### **Član 57.**

##### **(Subvencioniranje kamata za rješavanje stambenog pitanja mladih, subvencioniranje boravka djece u predškolskim ustanovama na području općine Kakanj i sufinansiranje troškova medicinski pomognute oplodnje za bračne ili vanbračne parove sa područja općine Kakanj)**

Sredstva na poziciji „Subvencioniranje kamata za rješavanje stambenog pitanja mladih“ realizovat će se putem javnog poziva, a u skladu sa Odlukom o subvencioniranju kamata za rješavanje stambenog pitanja mladih i refundiranje troškova ishodovanja rješenja o odobrenju izgradnje/urbanističke saglasnosti koja važi kao odobrenje za izgradnju.

Sredstva na poziciji „Subvencioniranje boravka djece u predškolskim ustanovama na području općine Kakanj“ realizovat će se u skladu sa Odlukom o subvencioniranju boravka djece u predškolskim ustanovama na području općine Kakanj.

Sredstva na poziciji „Sufinansiranje troškova medicinski pomognute oplodnje za bračne ili vanbračne parove sa područja općine Kakanj realizovat će se u skladu sa Odlukom o sufinansiranju troškova medicinski pomognute oplodnje.

Za realizaciju sredstava iz stava (1), (2) i (3) ovog člana nadležna je Služba za društvene djelatnosti, boračka pitanja, raseljena lica, izbjeglice i povratnike.

#### **Član 58.**

##### **(Transfer JU „Centar za djecu i odrasle sa posebnim potrebama ZDK“)**

Sredstva na poziciji „Sufinansiranje rada JU „Centar za djecu i odrasle sa posebnim potrebama Zeničko-dobojskog kantona“ realizovat će se prema ugovoru potpisanom između Općine Kakanj i JU „Centar za djecu i odrasle sa posebnim potrebama Zeničko-dobojskog kantona“.

Za realizaciju sredstava nadležna je Služba za društvene djelatnosti, boračka pitanja, raseljena lica, izbjeglice i povratnike.

#### **Član 59.**

##### **(Transfer UG „Medica“ Zenica)**

Sredstva na poziciji UG „Medica“ Zenica će se realizovati u skladu sa potpisanim Protokolom između Općine Kakanj i UG „Medica“ Zenica, kojim će se definisati međusobna prava i obaveze.

Za realizaciju transfera nadležna je Služba za društvene djelatnosti, boračka pitanja, raseljena lica, izbjeglice i povratnike.

Korisnik budžetskih sredstava se obavezuje da nadležnoj službi dostavi izvještaj o namjenskom utrošku sredstava.

#### **Član 60.**

##### **(Sredstva za Razvojni centar Općine Kakanj i Savez poljoprivrednih udruženja KAP)**

Sredstva za Udruženje „Razvojni centar Općine Kakanj“ biće osigurana u Budžetu Općine Kakanj za 2024. godinu na budžetskoj poziciji „Transfer Razvojnog centru Općine Kakanj“.

Sredstva za Savez poljoprivrednih udruženja „KAP“ biće osigurana u Budžetu Općine Kakanj za 2024. godinu na budžetskoj poziciji „Transfer Savezu poljoprivrednih udruženja - KAP“.

Za realizaciju sredstava iz stava (1) i (2) ovog člana nadležna je Služba za privredu, urbanizam i zaštitu okoline. Prava i obaveze jedne i druge strane detaljnije će biti definisane ugovorom.

Korisnici sredstava finansijske izvještaje dostavljaju nadležnoj službi – nalogodavcu.

#### **Član 61.**

##### **(Implementacija Projekta USAID BIH DIASPORA INVEST)**

Sredstva na poziciji „Implementacija projekta USAID BIH DIASPORA INVEST“ realizovat će se u skladu sa Memorandumom o razumijevanju broj: 02/1-3255/23 od 16.05.2023. godine, zaključenim između Američke agencije za međunarodni razvoj i Općine Kakanj, te Sporazumom o implementaciji projekta broj: 02/1-4396/23 od 27.06.2023. godine zaključenim između: USAID BiH DIASPORA INVEST Sarajevo, Udruženja „Naša Perspektiva“ Sarajevo i Općine Kakanj.

Daje se saglasnost Općinskom načelniku za poduzimanje svih potrebnih aktivnosti u vezi realizacije Memoranduma i Sporazuma iz stava (1) ovog člana.

#### **Član 62.**

##### **(Transfer JU „Dom zdravlja sa stacionarom“ Kakanj)**

Sredstava sa budžetske pozicije „Sufinansiranje službe hitne medicinske pomoći“ realizovat će se u skladu sa Zaključkom koji na prijedlog Službe za društvene djelatnosti, boračka pitanja, raseljena lica, izbjeglice i povratnike donosi Općinski načelnik.

Sredstva sa navedene pozicije namijenjena su za finansiranje plaća jednog tima 3 (treće) smjene hitne medicinske pomoći.

Sredstava sa budžetske pozicije „Transfer JU Dom zdravlja sa stacionarom Kakanj – ultrazvučni pregled žena“ realizovat će se putem javnog

poziva, a u skladu sa Zaključkom koji na prijedlog Službe za društvene djelatnosti, boračka pitanja, raseljena lica, izbjeglice i povratnike donosi Općinski načelnik.

Sredstva sa budžetske pozicije „Transfer JU Dom zdravlja sa stacionarom Kakanj za sufinansiranje specijalizacije“ realizovat će se u skladu sa Zaključkom koji na prijedlog Službe za društvene djelatnosti, boračka pitanja, raseljena lica, izbjeglice i povratnike donosi Općinski načelnik.

Sredstva sa budžetske pozicije „Transfer JU Dom zdravlja sa stacionarom Kakanj za sufinansiranje izgradnje ambulante na Plandištu i zgrade Hitne pomoći“ realizovat će se u skladu sa Zaključkom koji na prijedlog Službe za društvene djelatnosti, boračka pitanja, raseljena lica, izbjeglice i povratnike donosi Općinski načelnik.

Zadužuje se nadležna služba da prati realizaciju doznačenih sredstava.

Korisnik sredstava finansijske izvještaje dostavlja nadležnoj službi - nalogodavcu.

#### **Član 63.**

##### **(Poticaj poljoprivrednoj proizvodnji i poticaj razvoju, poduzetništva i obrta)**

Sredstva za poticaje u oblasti poljoprivredne proizvodnje i poticaj razvoja, poduzetništva i obrta realizovat će se u skladu sa programima koje na prijedlog nadležne službe – Službe za privredu, urbanizam i zaštitu okoline i Općinskog načelnika donosi Općinsko vijeće.

Zadužuje se nadležna služba da prati realizaciju doznačenih sredstava.

Korisnici sredstava finansijske izvještaje dostavljaju nadležnoj službi - nalogodavcu.

Ovlašćuje se Općinski načelnik da do usvajanja programa iz stava (1) ovog člana može vršiti isplate iz Budžeta po zaključenim ugovorima i započetim projektima iz prethodnih godina.

#### **Član 64.**

##### **(Sredstva za obilježavanje značajnih datuma)**

Raspored sredstava za obilježavanje značajnih datuma - manifestacija vršit će se na osnovu programa raspodjele sredstava za obilježavanje značajnih datuma - manifestacija, koji na prijedlog Općinskog načelnika i nadležne službe - Služba za društvene djelatnosti, boračka pitanja, raseljena lica, izbjeglice i povratnike donosi Općinsko vijeće.

Zadužuje se nadležna služba da prati realizaciju doznačenih sredstava.

**Član 65.****(Sredstva ostvarena radom termoelektrane)**

Ostvarena sredstva od naknade po osnovu dijela prihoda preduzeća ostvarenih radom termoelektrana realizovat će se direktno kroz Budžet (Fond - 0343), te na osnovu Programa utroška neraspoređenog dijela sredstava koji na prijedlog Općinskog načelnika donosi Općinsko vijeće.

**Član 66.****(Sredstava za izvršne sudske odluke i izvršna rješenja)**

Za realizaciju sredstava predviđenih za izvršne sudske odluke i izvršna rješenja inspekcijskih organa, te rješenja Općinskih organa uprave nadležno je Općinsko pravobranilaštvo i Služba za finansije, određene općinske službe i Općinski načelnik koji su prije realizacije ovih sredstava obavezni dati saglasnost na svaku isplatu koja bude išla na teret ovih budžetskih pozicija.

**Član 67.****(Sredstva od prodaje poslovnih prostora i stanova)**

Za realizaciju sredstava od prodaje poslovnih prostora i stanova nadležan je Zavod za planiranje i izgradnju Općine Kakanj u skladu sa odlukama Općinskog vijeća i zaključcima Općinskog načelnika.

Naloga za isplatu sredstava iz stava (1) ovog člana davat će nadležna služba – Služba za privredu, urbanizam i zaštitu okoline, a na osnovu trebovanja Zavoda za planiranje i izgradnju Općine Kakanj.

Nadležna služba je zadužena za praćenje realizacije doznačenih sredstava.

Korisnik sredstava dužan je finansijske izvještaje kvartalno dostavljati nadležnoj službi - nalogodavcu.

Realizacija navedenih sredstava vršit će se kroz program koji na prijedlog Općinskog načelnika usvaja Općinsko vijeće.

**Član 68.****(Sredstva za realizaciju kapitalnih i tekućih transfera)**

Za realizaciju sredstava po osnovu kapitalnih i tekućih transfera: koncesione naknade, cestovne naknade, vodne naknade, dijela sredstava Fonda za zaštitu okoliša i dijela sredstava ostvarenih radom termoelektrane, te ostale projekte iz oblasti izgradnje, rekonstrukcije i sanacije nadležan je Zavod za planiranje i izgradnju Općine Kakanj u skladu sa odlukama i programima Općinskog vijeća i zaključcima Općinskog načelnika.

Naloga za isplatu sredstava iz stava (1) ovog člana davat će nadležna služba – Služba za privredu, urbanizam i zaštitu okoline, a na osnovu zahtjeva/trebovanja Zavoda za planiranje i izgradnju Općine Kakanj.

Korisnik sredstava dužan je finansijski izvještaj dostavljati nadležnoj službi – nalogodavcu uz zahtjev/trebovanje sredstava.

Nadležna služba je zadužena za praćenje realizacije doznačenih sredstava.

Općinski načelnik može svojim zaključkom implementaciju i drugih projekata prenijeti na Zavod za planiranje i izgradnju Općine Kakanj.

**Član 69.****(Sredstva naknade za korištenje građevinskog zemljišta i komunalne naknade)**

Budžetska sredstva po osnovu komunalne naknade realizovat će se na osnovu programa koji na prijedlog Općinskog načelnika i Zavoda za planiranje i izgradnju općine Kakanj usvaja Općinsko vijeće.

Dio sredstava koji se prikupi po osnovu naknade za korištenje građevinskog zemljišta biće pridružen sredstvima komunalne naknade, obzirom da je navedena naknada ukinuta Presudom Ustavnog suda Federacije BiH.

Realizacija ovih sredstava je u nadležnosti Zavoda za planiranje i izgradnju Općine Kakanj u skladu sa odlukama Općinskog vijeća, a sredstva će doznacavati Služba za finansije po osnovu trebovanja.

Korisnik sredstava dužan je izvještaj o utrošku sredstava dostaviti nadležnoj službi – nalogodavcu.

**Član 70.****(Ovlaštenje Općinskom načelniku)**

Na osnovu člana 106. stav (1) Statuta Općine Kakanj, a u vezi sa članom 114. stav (2) Zakona o organizaciji organa uprave u Federaciji BiH, Općinsko vijeće ovlašćuje Općinskog načelnika da brižno i prema načelima dobrog domaćina samostalno odlučuje o nabavljanju, prodaji, korištenju, upravljanju i raspolaganju pokretnom imovinom Općine, a po procedurama utvrđenim Zakonom o javnim nabavkama i drugim važećim propisima.

**Član 71.****(Sredstva Civilne zaštite)**

Dio sredstava za zaštitu i spašavanje 0,5 %, sredstva posebnih naknada za zaštitu od prirodnih i drugih nesreća, budžetska sredstva za zaštitu i spašavanje, te sredstva iz naknade za vatrogastvo realizovat će se na osnovu Programa koje na prijedlog nadležne službe – Služba civilne zaštite i Općinskog načelnika usvaja Općinsko vijeće.

Dio sredstava za zaštitu i spašavanje 0,5 % koji se realizuje kroz program „Godišnji plan korištenja sredstava zaštite i spašavanja“ na prijedlog nadležne službe donosi Štab civilne zaštite Općine Kakanj.

Nadležna služba je zadužena za praćenje realizacije doznačenih sredstava.

#### **Član 72.**

##### **(Sredstva Fonda za zaštitu okoliša)**

Realizacija sredstava Fonda za zaštitu okoliša vršit će se na osnovu programa raspodjele sredstava koji na prijedlog Općinskog načelnika i nadležne službe – Služba za privredu, urbanizam i zaštitu okoline donosi Općinsko vijeće.

Nadležna služba je zadužena za praćenje realizacije doznačenih sredstava.

Sredstva Fonda za zaštitu okoliša su namjenskog karaktera, te će se koristiti u skladu s tim.

### **IX - ZADUŽIVANJE I UPRAVLJANJE DUGOM**

#### **Član 73.**

##### **(Zaduživanje)**

Općina Kakanj može se zadužiti i izdati garancije u svrhe, na način, pod uvjetima i u obimu propisanom zakonom kojim se uređuje dug, zaduživanje i garancije u Federaciji.

Finansijske obaveze preuzete u ime i za račun Općine u skladu sa zakonom i drugim propisima čine dug Općine.

Sve obaveze koje čine dug Općine imaju jednak status i prioriteta su obaveza Općine za plaćanje.

### **X - RAČUNOVODSTVO, NADZOR I REVIZIJA BUDŽETA**

#### **Član 74.**

##### **(Odgovornost rukovodilaca)**

Rukovodioci budžetskih korisnika odgovorni su za računovodstvo, unutrašnju kontrolu i nadzor transakcija u organu kojim rukovode.

#### **Član 75.**

##### **(Računovodstvena načela)**

Budžetsko računovodstvo se zasniva na računovodstvenim načelima: tačnosti, istinitosti, pouzdanosti, sveobuhvatnosti, pravovremenosti i pojedinačnom iskazivanju poslovnih događaja, te na Međunarodnim računovodstvenim standardima za javni sektor (IPSAS).

Budžetsko računovodstvo se vodi po načelu dvojnog knjigovodstva i na računima kontnog plana Budžeta.

#### **Član 76.**

##### **(Načelo modificiranog nastanka događaja)**

Priznavanje prihoda i primitaka, te rashoda i izdataka putem sistema glavne knjige provodi se po načelu modificiranog nastanka događaja.

Prihodi i primici priznaju se u onom periodu kada su mjerljivi i raspoloživi, tj. kada su uplaćeni na račun budžeta.

Rashodi i izdaci priznaju se u onom periodu kada je obaveza nastala za plaćanje.

#### **Član 77.**

##### **(Interna kontrola)**

Budžetski korisnici obavezni su urediti sistem interne kontrole u skladu sa međunarodnim standardima interne kontrole kako bi se osiguralo izvršavanje aktivnosti u okviru osnovne djelatnosti.

Sistem interne kontrole osigurava uspostavu organizacije, politika i procedura koje se koriste za postizanje namjeravanih rezultata.

#### **Član 78.**

##### **(Realizacija transfera)**

Pri realizaciji svih ostalih transfera Općinski načelnik i nadležne općinske službe obavezne su se pridržavati odredbi člana 22., 30. i 33. ove Odluke.

### **XI - IZVJEŠTAVANJE**

#### **Član 79.**

##### **(Izveštavanje budžeta)**

Služba za finansije dužna je podnositi Općinskom načelniku na razmatranje periodične konsolidovane finansijske izvještaje u roku 40 dana po isteku obračunskog perioda, a za period od 01. januara do 31. decembra do 25. aprila tekuće godine.

Služba za finansije dužna je dostaviti periodične izvještaje Općinskom vijeću i kantonalnom ministarstvu finansija u roku 20 dana po isteku obračunskog perioda, a za period od 01. januara do 31. decembra do 30. aprila tekuće godine.

#### **Član 80.**

##### **(Izveštavanje JU/budžetskih korisnika)**

Budžetski korisnici dužni su periodične izvještaje dostavljati Službi za finansije i Službi za društvene djelatnosti, boračka pitanja, raseljena lica, izbjeglice i povratnike za periode od 01.01-31.03., od 01.01-30.06. i od 01.01-30.09. u roku od 20 dana po isteku obračunskog perioda.

Izveštaj o izvršenju Finansijskog plana za period od 01.01-31.12. dužni su dostaviti službama iz stava (1) ovog člana do 28.02.

tekuće godine, a Općinskom vijeću na usvajanje do 30.04. tekuće godine.

Prije upućivanja Izvještaja o izvršenju Finansijskog plana i Izvještaja o radu u proceduru na usvajanje u Općinsko vijeće, javne ustanove su dužne tražiti mišljenje Službe za finansije i Službe za društvene djelatnosti, boračka pitanja, raseljena lica, izbjeglice i povratnike. Službe će dati mišljenja na akte svaka iz svoje nadležnosti. Mišljenja službi će biti u prilogu Izvještaja o izvršenju Finansijskog plana i Izvještaja o radu.

Usvajanje akata iz stava (2) ovog člana vršit će se na sjednici Općinskog vijeća na kojoj bude usvajanje Izvještaja o izvršenju budžeta za prethodnu godinu.

#### Član 81.

##### (Prava i obaveze budžetskih korisnika)

Nadležne općinske službe dužne su upoznati sve budžetske korisnike (korisnike transfera) sa njihovim pravima i obavezama koji nastaju prijemom budžetskih sredstava po pitanju dinamike isplate, zavisnosti obima ukupno isplaćenih sredstava od priliva sredstava u Budžet, namjenskog utroška sredstava, zatim po pitanju prioritetanog izmirivanja obaveza prema javnim ustanovama i javnim preduzećima čiji je osnivač Općina, te po pitanju obaveze podnošenja izvještaja o namjenskom utrošku budžetskih sredstava nadležnoj općinskoj službi, a sve u skladu sa Uputstvom o načinu doznačavanja sredstava budžetskim korisnicima i načinu izvještavanja o namjenskom utrošku dodijeljenih sredstava iz Budžeta Općine Kakanj.

#### Član 82.

##### (Pravdanje sredstava)

Svi budžetski korisnici obavezni su nadležnim službama dostavljati izvještaje o namjenskom utrošku budžetskih sredstava na način i u rokovima kako im naloži nadležna općinska služba.

Budžetskim korisnicima koji ne podnesu blagovremeno izvještaj o utrošku sredstava ili pak podnesu izvještaj koji dijelom ili u cjelosti ne

pruža dovoljan uvid u namjenski utrošak budžetskih sredstava nadležna služba je obavezna obustaviti daljne isplate iz Budžeta po svim osnovama.

#### Član 83.

##### Izvještaj o kapitalnim projektima i prijenos istih

Sredstva za realizaciju kapitalnih transfera implementatoru će se doznačavati na osnovu trebovanja po privremenim i konačnim situacijama sa popratnom dokumentacijom koja dokazuje namjenski utrošak doznačenih sredstava.

Korisnik kapitalnih sredstava dužan je po realizaciji projekta izvještaj o okončanom projektu dostaviti nadležnoj službi – nalogodavcu i Službi za finansije, kao i komisijski izvještaj o finansijskoj (izvršen obračun vrijednosti) i materijalnoj primopredaji realizovanog projekta.

Na osnovu dostavljenog izvještaja iz stava (2) ovog člana, a na prijedlog Službe za finansije, Općinski načelnik donosi zaključak o prijenosu okončanog kapitalnog projekta na Općinu Kakanj.

## XII - ZAVRŠNE ODREDBE

#### Član 84.

##### (Primjena važećih propisa)

Na sva pitanja koja nisu regulisana ovom Odlukom, a tiču se načina izrade, donošenja ili izvršavanja Budžeta, saniranja deficita, zaduživanja, duga, računovodstva, nadzora i revizije Budžeta primjenjivat će se odredbe važećih zakona i drugih propisa.

#### Član 85.

##### (Stupanje na snagu)

Ova Odluka stupa na snagu danom donošenja, a biće objavljena u „Službenim novinama Općine Kakanj“.

**PREDSJEDAVAJUĆI  
OPĆINSKOG VIJEĆA**

Slaven Katičić, sr.

## S A D R Ź A J

### „Službenih novina Općine Kakanj“ 1/24

1. Budžet Općine Kakanj za 2024.godinu.....	1
2. Zaključak o održanoj javnoj raspravi .....	31
3. Zaključak o davanju ovlaštenja predsjedavajućem.....	31
4. Odluka o izvršavanju Budžeta Općine Kakanj za 2024.godinu .....	31